

## Sandchaschtekönig

### STROPHE 1

D A A7 D  
S Schüfeli und de Chessel hani packt, s'Siiibli und de Räche sind im Sack  
D A A7 D  
ich legge d Gummistiefel ah und schnapp min Huet, ja will Sändele veruss dued eifach guet  
G D A D  
ich schüüfele und forme mit de Hand, en wunderschöni Ritterburg us Sand  
G D A D  
ufem Sandturm da stahd ufs mal en chline Wicht, und schmeisst mier en Hampfle Sand is Gsicht!

### REFRAIN

G D  
Ja i mim Sandchaschte läbt en chliine König uf de Burg – oohoooo  
A D  
und de wott ned use, ja nei de wott ned furt - neineiiii  
G D  
ja i mim Sandchaschte läbt en chliine König uf de Burg – oohoooo  
A D  
und de wott ned use und ned furt

### TROMPETENSOLO:

G, D, A, D

### STROPHE 2

De König seid: mit Lieb und Seel beschütz ich mis Gebiet, wenn du hiä sändelisch de machsch di ned beliebt.

De Bueb: du weisch dass mier de Sandchaschte ghöört, und rädibutz wär dini Burg zerstört

also guet denn möchemer öppis ab, ich beschütz da alles Land uf Land ab

defür wohn ich ab hüt i dem Palascht, und zum Sändele bisch du min Ehregascht

### REFRAIN 2X